

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docriver 文川网
古籍书城
入驻商
在文川网搜书古籍书城 获取更多电子书

中國方志叢書·華南地方·第二四三號

據 王明·王世懋 撰
明寶顏堂訂正刊本

影印

福建省

閩部疏

11/6075

成文出版社有限公司印行



中華民國六十四年六月臺一版

閩 部 疏

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

疏 部 閩
麓 秘 堂 顏 寶

撰 懋 世 王

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

閩部疏序

瑯琊次公以督學之暇疏閩部成 一編寄吳
吳門曰往余不嘗序足下荆溪疏乎蓋無言不
讎請受報於子僕文不足當瑯琊公下駟其曷
敢以爲報然平生交於閩之人也夥故稍習閩
事聞故多君子嫻於辭又多佳山水饒物產海
陸之珍甲天下每恨不能名取宦游其間其次
客游無舌賈游無裝獨游又無濟勝之具聞人

言荔子輕紅徒有瞪目垂涎安能縮地而南日
啖三百顆令齟齬皆甘也夫督學使者行部坐
檐帷中尊嚴如神明旛旄蔽天鼓吹震山谷衛
尉督郵負鞬矢而將迎者千騎遮道填擁不得
前卽有青巖墮馬首鳴瀑濺人面閉目俛首莫
敢左右視旣入臺寺葳蕤之鎖扃其扉樹籬插
棘游徼干楨而課諸生雕蟲之技雌黃甲乙有
同嚼蠟惟恐一不得當仰屋搔首者幾矣何暇

寒帷伏軾指麾顧盼而談游觀之盛哉次公此
疏其模寫宛盡叙致曲折思若凌雲言若霏雪
述山川如少文之繪壁陳險要如伏波之聚米
論風土如弘之之纂荊州陳詞賦綜名物又如
稚川之雜記西京事大要其旨簡以穆其才博
以密其文霍靡以恣禱使覽之者恍似經黠淡
探武夷泛九鯉陟七臺往來紅蕉綠柚之下聽
秦吉了鷓鴣聲左手擘丹荔右手拈碧觴噉

房咀蚌螭與幔亭僊侶相拍浮耳茲其文非所
謂黼黻人羣丹青巖壑者耶若夫荆溪葢爾荒
邑其視閩部曾不比於函谷一丸泥以僕疏若
序而較次公之撰其相去亦猶此矣丙戌秋日

王穉登序

寶顏堂訂正閩部疏

吳龍王世懋敬美著

雲間陳繼儒仲醇訂

秀水陳天保定之校

天下堪輿易辨者莫如福州府登行省三重樓
北視諸山羅抱龍從西北稍衍處過行省小山
坐其中烏石九僊二山東西峙作雙關其外托
則東山高大蔽虧日月大海在其外是謂鼓山

閩海賦
朱元晦所書天風海濤處也西山迤邐稍卑狀
若展旗曰旗山以配鼓其前則印山若屏爲南
案似人巧濠泊而成者然猶未覩水所經宿已
登烏石山望則大小二水歷歷在目大江從西
南蛇行方山下南臺江稍近城而行大江復從
南稍折而東北南臺江水合之汪洋瀾漫東下
長樂入海其山水明秀如此土人猶謂方山稍
西俗名五虎追視有猛勢以爲微缺陷處然予

謂卽東方山而平之亦終不能作天子都何者
愈顯則根愈淺愈巧則局愈小

省府之南山曰方山繇亘數十餘里形甚怪偉
俗名五虎山數之正浮志言九龍鼻索之又不足

布政司在山上堂後一大樹是榕樟二樹相樛
結而生鬱然千雲因爲堂以嘉樹頽之余與王
叔俱有詩

福州府布政司前多甃甘泉土人初名曰第一泉第二泉每大比五魁多爲泉人所占以爲泉識也改類曰一福井二福井文理殊未覈然每放勝泉土褒然如故

行省鼓樓高絕云是越王無諸建都處也古蹟多在建南諸郡稱越王臺者以數計而馱南平之王臺驛最顯驛以此名有越王古墓在第未知是何王耳閩王審知兄元節度使潮墓在興泉

間

由福之南門出至南臺江十里而遙民居不斷
橋跨江中怒石踞立巉舟鱗次亦一勝處也過
此山行數十里間荔枝龍眼夾道交蔭丹榴綠
蕉疊斐間之令人應接不暇舟渡西峽浩渺洵
湧望江勢滔滔赴海擊楫而生壯懷

去省城南八十里而近爲靈濟宮卽京師所奉
二徐真人也本駐兵此地宮亦勅建至今

雨者往焉南十餘里爲大田驛其間有流泉水
確豐原美植大是沃壤

由石竹山而北至常思嶺三十餘里間皆福清
縣屬特多崇岡壯岳峰骨怒立巒岫皆欲飛舞
五虎一臺陡懸數十里外皆奇觀也常思嶺以
南山皆南向獸此嶺北拱遂爲閩縣屬水東北
流矣二縣所由界也

諸谿合流至水口以東汪洋巨浸大似浙之富

陽江經芋原西峽益濶流入長樂大海潮汐上下二百里何異錢塘江而名稱不盛一統志所云南臺江亦此水別支也以南臺一鎮辱之令人稱屈

省府北井樓門出爲連江羅源道與福寧州隣多高山大嶺行甚嶽崎連江號有人才盡此境而北科甲寥寥矣福寧北與永嘉連西與建安接瀕海多魚鹽梯航之利民富而渺知禮觀風

閩中
督學二使者所不至也

閩中獨荔枝奇絕龍眼名荔枝奴真堪作奴耳
次則佛手柑橄欖皆中原所無品亞荔枝又有
山果名黃彈金扣子羊桃皆異產然味苦不足
登俎

柚大而麤柑橘中最下品也福延間多有之花
亦奇大三月間開香氣甚郁余嘗有詩云最好
南平三月景滿城微雨柚花香

橄欖在平原上八十里間沿麓樹之蒼鬱可愛
甘蔗洲嶽多土人雖擔城市貨之頗不登羞
蔗有二種節蔗節疎而短小食蔗節密而長大
凡飴蔗擣之入釜經煉爲赤糖赤糖再煉燥而
成霜爲白糖白糖再煨而凝則曰冰糖美人蕉
福州爲多而無蕉實泉漳間始家樹大蕉小曰
芽蕉皆能實實後斫而絲之是爲蕉布其實大
都如吳中所生甘露第彼作瓣有露無實此囊

docsriver 文川网
入驻商家 古籍书城

在文川网搜索古籍书城 获取更多电子书

生纍纍可乾食耳然味甜無韻故不如美人蕉
花可供玩蕉花歛盛余廨中以盛冬發一紅瓣
上抽綠苗三四月間齊放簇若未蓮經月不敗
大是佳卉

閩地最少楊柳福州城中士大夫園地邊間有
一兩株作長條拂地不能拱把

閩地最饒花獨杏花絕產亦一異也

陶方伯嘗言閩中海錯定虛得名耳余惟問何

以曰蚶不四明蛤不揚州蟹不三吳余大以爲
然蚶大而種故不佳蛤乃車螯非蛤蜊也蟹
之別種曰蚌螯吾地名黃甲此名海螵特多此
種而蟹乃爲異狀不中食此又一種非真蟹也
獸興化數里河中有蟹形味俱似吳中而土人
不之重豈日厭海錯不能別味耶

海錯出東四郡者以西施舌爲第一蠣房次之
西施舌本名車蛤以美見謚出長樂海中閩俗

重歲首民間不開正戶慶節後卽相率拜墓挂
紙錢一如清明迎春日多陳百戲盛亭臺之飾
坐嬰兒高槩上兒皆慣習飲噉自若了無怖懼
千夫百騎繞堂皇而出唱呼跳舞勞以曆書惡
少輩多舞獩貌求索尤甚卽藩臬長無奈之何
士女傳觀填街塞巷自茲春事日盛尤重元宵
十三日始放燈數步一立表一表輒數燈家聯
戶綴燦若貫珠如是者至下茲猶不肯撤有司

禁之縉紳先生不平見顏色是月也一郡之民
皆若狂

端午節尤重競渡所過山溪數家之市皆懸舟
以待往往毆擊至殺人成獄禁稍弛復競其俗
成不能革也

興化古莆中景物亦大佳第國狹而貧耳江口
渺漫漁舟宿步始見海氣東北多良田廣陂畝
直三十金其陽皆山也二十里抵瀨溪道旁多

古木穹碑皆先朝大臣彭惠安輩賜葬之所令人肅然興仰止意

興化背太平山而城以壺公爲案兩山皆峭拔木蘭陂出壺公下登城北山望東南大海浮空檣帆皆見

從興化西門行可八十里至九鯉湖其地非獸以夢靈著異也飛泉九疊下滙爲湖漫漫欲過菴門百泉豈以瓌境故爲仙靈所託耶瀛清縣

石竹山亦有九仙靈蹟其山亦宏麗在宏路驛
大道傍土人所夢者以秋往九里湖以春往石
竹山石竹山是九仙離宮爲行春治所耶

仙遊縣在楓亭西五十里非祈夢九鯉湖者不
入縣

楓亭驛荔枝甲天下瀾山被野樹極婆娑可愛
亡論丹實纍纍驛甚宏壯中庭六株荔子色皆
參天

荔枝以興化府楓亭驛爲最長樂縣次之柑橘以漳州府爲最福州次之

荔枝名以狀元香爲最然實不如長樂勝蓋肉厚而味甘當爲種中第一第乾之不能如狀元香風味

閩地頗畜蠱其神或作小蛇毒人有不能殺者獨泉之惠安最多八十里間北不能過楓亭南不敢度洛陽橋云蔡端明爲泉州日捕殺治蠱

者幾盡其妖至今畏之以橋有端明祠而楓亭
僊遊屬端明卽僊遊人也土人之莊事端明如
此

自惠安以南山漸培嶮以到海脉窮也而特多
巨石林立碁累多不可名狀或臥或起恒若位
置嘉木蔭之居然園林間景

洛陽橋一名萬安大江中五里石梁虹臥水上
蔡端明真神人也近南岸一山皆大石倭亂時

同部誌

七



城其上而樓之肩鑰甚固倭不能過洛陽之南
晉江虎渡二橋亦稱鉅麗

吳中雖盛有石梁若今見萬安橋必吐舌亦由
閩溪中篙師不知吳楚間有萬石樓船也泉州
城大於福北負洛陽江南面晉江倚泉山而城
堪輿家謂爲三台山八卦水故多縉紳去城東
北五里一荒山纍纍諸墳本漏澤也而名曰官
山以泉人發科第者其祖父多葬其上下利後

人遂令逝者體勢如厲

泉州城大而土曠士大夫皆散處余以六月行
部人家多依原隰爲園林肩輿過其下嘉瓜四
垂朱槿熠耀綠柚扶搖於短垣之內丹荔點綴
於碧葉之上真令人目不暇給

泉之南北奇石尤多有名紗帽者有名馬頭者
有名鼓者有名青蛇者有名蝦蟆者都如巨靈
斧劈玉丁負置四十里外一石龜聳坐磐石上

死若斲成遂以名郵

昔聞長老言廣人種綿花高六七尺有四五年
不易者余初未之信過泉州至同安龍溪間扶
搖道傍狀若榛荆迫而視之卽綿花也時方清
稔老幹已着瘦黃花矣然不可呼爲木棉木棉
花者高樹丹花若茶吐實蓬蓬吳中所謂攀枝
花也楊用修具載丹鉛以爲異曰雲南霑益州
有之聞嶺廣尤多不知惠安志已載此樹名爲

攀桂花楊乃曰斑枝花與吳中攀枝花蓋三名一物也花品不當綿花僅堪絮褥耳

漳州羅萬戶良在元末守漳有功爲陳友定所殺其名甚著而一統志不載今載郡志余往來見巨石道旁皆鑿羅萬戶重生父母其爲漳人愛戴如此入泉境兩巨石亦有鐫書一曰攀轅石一曰臥轍石意字俱不雅問知是俞總兵大猷駐兵處其門下人侈而書之然俞亦近時名

docsriver 文川网
入驻商家 古籍书城

在文川网搜索古籍书城 获取更多电子书